

CHIPHUNZITSO CHA PAPHIRI (Gawo lachiwiri)



Mateyu 5:7 “Odala ali akuchitira chifundo; chifukwa adzalandira chifundo.

8 Odala ali oyera mtima, chifukwa adzaona Mulungu.

9 Odala ali akuchita mtendere; chifukwa adzatchedwa ana a Mulungu.


10 Odala ali akuzunzidwa chifukwa chachilungamo; chifukwa uli wao ufumu wakumwamba.

11 “Odala muli inu m'mene
adzanyazitsa inu, nadzazunza
inu, nadzakunenerani monama
zoipa zirizonse chifukwa cha
Ine.

12 Sekerani, sangalalani:
Chifukwa mphotho yanu ndi
yaikulu kumwamba: Pakuti potero
anazunza aneneri anakhalawo
musanabadwe inu.”


CHIPHUNZITSO CHA PAPHIRI

- Chiphunzitso cha paphiri ndi m'ndandanda wa ziphunzitso zomwe adaphunzitsa Yesu paphiri monga momwe zidalembewera mu buku la Mateyu 5:3-12.3



CHIPHUNZITSO CHA PAPHIRI

- Mau akuti chiphunzitso cha paphiri kapena kuti 'beatitude' pachingerezi, amapangidwa kuchokera ku mfotokozi wa mau achi Latin otchedwa 'beatus' omwe tanthauzo lake ndi kukondwa, kukhala wamwai kafenango kusangalala mopitilira muyeso.



CHIPHUNZITSO CHA PAPHIRI

- Mau achi Greek omwe adagwilitsidwa ntchito munkhaniyi potanthauza kudala kapena "blessed" pachingerezi ndi akuti 'makarios' omwe kutanthauzira kwake ndiko kudalitsika mosefukira; mopitilira muyeso, kukhala wamwayi, ndi osangalala kwambiri.
- Mau akuti Odala, omwenso akukhala oyambilira mundime zonse za chiphunzitsochi, siomwe ife timagwilitsa ntchito tsiku ndi tsiku ayi. Pomwe omasulira ambiri ama Baibulo achingerezi adamasulira mauwa kuti "Blessed" kusonyeza Odala, ma Baibulo enanso achingerezi chamakono adamasulilidwa mosiyana posagwiritsa ntchito mau akuti "Blessed" kutanthauza Odala, koma m'malo mwake adagwilitsa ntchito mau akuti "happy" omwe tanthauzo lake ndi Osangalala. Koma kusinhanitsa mau akuti Odala ndikugwiritsa ntchito mau nakuti Osangalala kuli ngati kusokoneza malemba.

CHIPHUNZITSO CHA PAPHIRI

- ❑ Kolingana ndi kumasulira kwa "People's New Testament, "Mau akuti Odala koyambilira akuimira kwa Mulungu, ndipo ndi amphamu mutanthauzo lake kuposa kukhala Osangalala chabe. Chisangalalo chimadza ndi zinthu zapadziko lapansi pomwe kudalitsika kumachokera kwa Mulungu."

CHIPHUNZITSO CHA PAPHIRI

- Izi ndi mfundu zamalonjezano a ufumu wa Mulungu, koma kosiyana ndi ufumu wadziko lapansi mfundozi ziri ndi ndondomeko zosiyilanatu kwathunthu:
 - Pamodzi, chiphunzitsuchi chimaonetsera m'ndandanda watsopano wandondomeko za chikhristu zomwe zimakhazikika kwambiri pa Chikondi ndi Kudzichepetsa m'malo mwa chikakamizo ndi mphamvu. Zimaunikanso kwambiri ndondomeko zopambana zaziphunzitso za Yesu pa Chifundo, Uzimu ndi Chisoni.

CHIPHUNZITSO CHA PAPHIRI

- Chiphunzitsochi chimafotokozeredwanso monga Madalitso asanu ndi atatu. Ndipo ndime iliyonse ili ndi zigawo ziwiri:
 1. Choyenera kuchita: "ODALA NDI OMWE..."
 2. Chotsatira chake: "CHIFUKWA ADZA...3"
KAPENA "WAO NDI..."

	CHOYENERA KUCHITA	ZOTSATIRA ZAKE
1	Osauka mumzimu	Ufumu wakumwamba uli wao
2	Achisoni	Adzasangalatsidwa
3	Achifundo	Adzalandira dziko lapansi
4	Anjala ndi ludzu lachilungamo	Adzakhuta

	CHUYENKA KUCHITA	ZUTSILA ZAKE
5	Akuchitira Chifundo	Adzalandira chifundo
6	Oyera mtima	Adzaona Mulungu
7	Akuchita mtendere	Adzatchedwa ana a Mulungu
8	Akuzunzidwa chifukwa cha chilungamo	Uli wao ufumu wakumwamba

(5) ACHIFUNDO

- Mateyu 5:7 Odala ali akuchitira chifun do chifukwa adzalandira chifundo.
- Ndife achifundo pomwe timvera chisoni ndi omwe akusautsidwa, osowa thandizo m'moyo wao wathupi ngakhalenso wauzimu kapenanso chikhululuko.
- Kukhala wachifundo sizitanthauza kuthandiza mwa apo ndi apo kapena kuthandiza mwatsankho. Tiyenera kukhala achifundo mwachikhalidwe kapena chizolowezi.



(5) ACHIFUNDO

- Kukhala ndi chifundo kapena chisoni ndi omwe akuvutika, ndi ndondomeko yoyamba chabe ya kukhala Wachifundo. Koma tikachitapo kanthu, ndilo gawo lofunikira kwambiri tsopano.
 - Yakobo 2:15 Mbale kapena mlongo akakhala wausiwa, nichikamsowa chakudya chatsiku lake, ndipo wina wa inu akanena nawo mukani ndi mtendere, mukapfunde ndi kuhkuta; osawapatsa iwo zosowa zapathupi; kupindula kwake ntchiyani?
 - 1 Yohane 3:17-18 Koma iye amene alinacho chuma chadziko lapansi, naona m'bale wache ali osowa ndikutsekereza chifundo chake pomumana iye, nanga chikondi cha Mulungu chikhala mwa iye bwanji? Tiana, tisakonde ndi mawu, kapena ndi lirime, komatu ndikuchita ndi choonadi.



1. Chifundo nthawi zambiri chimatsogozana ndi kupereka zosowa zooneka ndi maso kwa ena:

- Mateyu 25:35 "Pakuti ndinali ndi njala, ndipo munandipatsa ine kudya ndinali ndi ludzu munandimwetsa Ine..."

(5) ACHIFUNDO

- Miyambo 14:31 Otsendereza aumphawi atonza mlengi wake; Koma ochitira wosauka chifundo amlemekeza.
- Aroma 12:13 Patsani zosowa oyeramtima; cherezani aulendo.
- Aefeso 4:28 Wakubayo asabenso, koma maka maka agwiritse ntchito, nagwire ntchito ndi manja ake, kuti akhale nacho chakucherezera wosowa.

2. Chifundonso nthawi zina chimatsagana ndikukumana ndizosowa zauzimu kwa anthu ena. Mautumiki athu ayenera kutsogozedwa ndi Chikondi komanso Chifundo. Pofuna kuonetsera mfundo imeneyi, tioneko nkhani ya mtumiki wina wakale otchedwa Nicholas Bhengu wa'mdziko la South Africa, kolingana ndi chikumbumtima cha mzake uyu; John Bond emwe adafotokoza motere:



- "Ndidamufunsa Bhengu ngati adamva chirichonse pomwe ankapempherera odwala. Maka maka amalankhula izi ndi malingaliro amtundu wachisoni chimenechi. Adafotokoza kuti pamene amamva chisoni choterechi machiritso anali akuchitika.. Bhengu adandiuzza maloto omwe adalota... omwenso adakhala chiyambi komanso maziko a utumiki wake. ¹






Bhengu adalota ali pakati pa anthu osauka komanso akumidzi mukanyumba komangidwa ndi miyala yokha yokha komanso kadenga la udzu kotchedwa "Basotho" kolingana ndi chikhaldwe cha anthuaku South Africa. Anthu onsewo amafuna machiritso kunthenda zosiyana siyana zina zapakhungu ndipo amalimbana kuti amuyandikire koma iye adanyansidwa nawo poopa kupatsiridwa nthendazo.




Pompo adaona Ambuye Yesu akutsika kuchoka kumwamba kudzera kudenga la nyumba ija. Atafika munyumba muja adayandikana nawo anthu ovutika aja mosanyansidwa konse nkuyamba kusanjika manja ake pa iwo ndikuwachiritsa kunthenda zawo. Atatha kutero adamucheukira Bhengu nanena naye; "Uzitero nthawi zonse." Kuyambira pomwepo adayamba kutumikira anthu mopanda tsankho ndipo zozizwa zochuluka zinayamba kuchitika mu utumiki wake.

□ Ichi ndicho chikhalidwe cha Yesu yemwenso adakhudzidwa ndi chifundo kukakhudza wakhate odetsedwa ndikumuchiritsa. Wakhateyu yemwenso adali wagulu la amitundu kapena kuti sadali wachiyuda, kudali kovuta kuti wina nkumukhudza popeza khate lake linafalikira kwambiri.



**Bambo wa zaka 24 zakubadwa
wodwala nthenda ya khate.**

➤ Marko 1:40-42 Ndipo adadza kwa Iye wodwala khate, nampempha Iye, namgwadira, ndikunena ndi Iye, Ngati mufuna mukhoza kundikonza. Ndipo Yesu adagwidwa chifundo, natansa dzanja, nam'kudza iye, nanena naye, Ndifuna; khala wokonzedwa. Ndipo pomwepo khate linamchoka, ndipo anakonzedwa.



**Bambo wa zaka 24 zakubadwa
wodwala nthenda ya khate.**

(5) ACHIFUNDO

□ Ma utumiki wonse a Yesu adali odzala ndi chifundo pa anthu:

- Mateyu 9:35-36 Ndipo Yesu anayenda yenda m'mizinda yonse ndim'midzi, namaphunzitsa m'masunagoge mwawo, nalalikira uthenga wabwino wa ufumuwo, nachilitsa nthenda iriyonse ndi zofoka zonse.
Koma Iye, poona makamuwo, anagwidwa m'mtima ndichisoni chifukwa cha iwo, popeza anali okambululudwa ndi omwazikana, akunga nkhosa zopanda m'busa.



(5) ACHIFUNDO

- Mateyu 14:14 Ndipo Iye anatuluka, nawona khamu lalikulu la anthu, nachitila iwo chifundo, nachiritsa akuydwala awo.
- Mateyu 20:33-34 "Ananena kwa Iye, Ambuye, kuti maso anthu apenye. Ndipo Yesu anagwidwa ndi chifundo, nakhudza maso awo; ndipo pomwepo anapenyanso, nam'tsata Iye.



(5) ACHIFUNDO

3. Chifundo nthawi zambiri chimatsaganango ndi kukhululukira onse otilakwira.

- Mkulu wina otchedwa Wesley adafotokoza motere za Mateyu 5:7. Chifundo chirichonse chomwe tichilakalaka kwa Mulungu, tichionetserenso kwa anthu ena.



(5) ACHIFUNDO

- Achifundo ndi odzala ndi chisoni adzadalitsika ndi Mulungu:
 - Miyambo 14:21 ... Wochitira osauka chifundo adala.
 - Machitidwe 20:35 Muzinthu zonse ndinakupatsani chitsanzo, chakuti pogwiritsa ntchito, koteru muyenera kuthandiza ofooka ndikukumbuka mawu a Ambuye Yesu, kuti anati yekha, "kupatsa kudalitsa koposa kulandira.'
- Madalitso:
 1. Iwo omwe akhululukira adzalandira chifundo cha Mulungu.
 - Mateyu 5:7 Odal ali akuchitira chifundo chifukwa adzalandira chifundo.

(5) ACHIFUNDO

- Iwo omwe ali achifundo kwa ena, amalandira chifundo cha Mulungu. Iri ndi dongosolo la uzimu. Choncho kaya wina akana kaya avomereza koma mau a Mulungu amatiphunzitsa mobwerezza bwerezza kuti chifundo pamodzi ndi chikhululuko zochokera kwa Mulungu zimatengera momwe ife tichitira kwa iwo akutilakwira.
- Luka 6:37-38 "Ndipo musawatsutsa, ndipo simudzatsutsidwa. Masulani, ndipo mudzamasulidwa. Patsani ndipo kudzapatsidwa kwa inu; muyeso wabwino, wotsendereka, wokhutchumuka, wosefukira, anthu adzakupatsani m'manja mwanu. Pakuti kudzayesedwa kwa inu muyeso omwewo muyesa nawo inu.

Nochitira chifundo ena omwe ali
ivutika pamapezedwe azosowa m'moyo
vawo, adzabwezeredwa patsiku
achiukitso:



Luka 14:12-14 Ndipo
adanananso kwa iye amene
adamuitana, pamene ukonza
chakudya chapausana kapena
chamadzulo usaitane abwenzi
ako, kapena abale ako,
kapena anansi aka eni chuma;
kuti kapena iwonso
angabwezere kuitana iwe,
ndipo udzakhala nayo
mphotho. Koma pamene ukonza
chwando uitane aumphawi,
opunduka, otsimphina,
akhungu; ndipo udzakhala
odala; chifukwa iwo alibe
kubwezera iwe mphotho;
okuti idzabwezedwa mphotho
okuuuka kwa olungama.



3. Achifundo adzalandira ufumu wa Mulungu:



- Mateyu 25:34-36 “Pomwepo mfumuyo idzanena kwa iwo akudzanja lake la manja, idzani kuno inu odalitsika a Atate wanga, lowani mu ufumu okonzedwera kwa inu pachikhazikiro chake chadziko lapansi: Pakti ndinali ndi njala, ndipo munandipatsa ine kudya, ndinali ndi ludzu, ndipo munandimwetsa ine; ndinali mlendo, ndipo munachereza ine; wamaliseche ine, ndipo munandiveka; ndinadwala, ndipo ndipo munadza kuchenza ndi ine; ndinali mnyumba ya ndende, ndipo munadza kwa ine.”



(6) OYERA MTIMA

- Mateyu 5:8 Odala ali oyera mtima, chifukwa adzaona Mulungu.

Muchinenero chachi Greek, mau akuti "Oyera" amasonyeza ungwiro, kusadetsedwa, ukhondo komanso kulungama.

Amagwiritsidwa ntchito poimilira zitsulo zoyengeka monga golide, siliva ndi zina. Amagwiritsidwa ntchito pofotokoza za zitsulo zopanda zodetsedwa zirizonse.

Amagwiritsidwanso ntchito pofotokozera za zovala zomwe zachapidwa ndikuyeretsedwa, komanso ngale za tiligu zomwe zapunthidwa ndi kusankhidwa bwino popandansozitsotso ziri zonse. Mwachidule mauwa amaimilira mafotokozedwe a zinthu zomwe zasiyanitsidwa ndi zidetso zamtundu wina uliwonse.

(6) OYERA MTIMA

- Mateyu 5:8 Odala ali oyera mtima, chifukwa adzaona Mulungu.
- Mulungu amatha kuyeretsa mitima yomwe kale inali yodetsedwa. Ngakhale Davide atachimwa tchimo lake lalikulu adapemphera motere:
 - "Mundilengere mtima oyera, Mulungu, mukonze Mzimu okhazikika mkati mwanga." (Masalimo 51:10)

(6) OYERA MTIMA

- Mu kumasulira kwa People's New Testament - Ayuda pansi pa ulamuliro wa Afalisi, chidwi chao chinali chochepa pa zachisamaliro cha mtima, koma zakunja kwa mtima ndizomwe aziikira chidwi chochuluka. Koma Yesu adati mtima ndi malingaliro, zidzayeretsedwa monga kasupe komwe kuchokera moyo wachikhalidwe ndi chipembedzo. Mtima wangwiro ubala moyo wangwiro; pomwe mtima odetsedwa ubala moyo wachinyengo.

(6) OYERA MTIMA

- Kuchokera mumtima wa munthu zituluka zoipa zamitundu mitundu zomwe zitipangitsa ife kukhala odetsedwa mumzimu.
 - Mateyu 15:19 Pakuti mumtima muchokera maganizo oipa, zakupha, zachigololo, zachiwerewere, zakuba, zaumboni wonama, zamwano.
 - Yeremiya 17:9 Mtima ndiwo onyenga koposa, ndiosachiritsika, ndani angathe kuudziwa.

(6) OYERA MTIMA

- Mudayamba mwaonako momwe anthu ena angaonere china chake chodetsedwa munyengo zonse? Wosalungama amatha kuona zodetsedwa muzonse pomwe oyera mtima amaona ubwino ndi ungwiro muzonse zowazungulira.
 - Tito 1:15 Zonse ziyera kwa iwo amene ayera mtima; koma kwa iwo odetsedwa ndi osakhulupilira kulibe kanthu koyera; komatu zadetsedwa nzeru zao ndi chikumbumtima chao.
- Choncho Paulo achenjeza Timoteo:
 - 2 Tim 2:22 Koma thawa zilakolako zaunyamata, nutsate chilungamo, chikhulupiliro, chikondi, mtendere, pamodzi ndi iwo akuitana pa Ambuye ndi mitima yoyera.

(6) OYERA MTIMA

- Koma tingakhale bwanji oyera mtima?
 1. Werengani ndikukhala m, mau a Mulungu:
 - Masalimo 119:9 Mnyamata adzayeretsa mayendedwe ache bwanji? Akawasamalira monga mwa mau anu.
 2. Kumbukirani kuti Yesu adzabwera tsiku lina ndipo tidzaonetsa ntchito zathu kwa Iye:
 - 1 Yohane 3:2-3 ... Tidziwa kuti pakuoneka Iyetidzakhala ofanana ndi Iye, pakuti tidzamuona Iye monga ali. Ndipo yense wakukhala nacho chiyembekezo ichi pa Iye, adziyeretsa yekha, monga Iyeyu ali Oyera.

(6) OYERA MTIMA

3. Osatengeka ndi magulu oipa.

- 1 Tim 5:22 ... usayanjane nazo zoipa za eni; udzisunge wekha oyera mtima.

4. Pewani zadama

- 1 Atesalonika 4:3-7 Pakuti ichi ndichifuniro cha Mulungu, chiyeretso chanu kuti mupewe kudama; yense wa inu adziwe kukhala nacho chotengera chache mchiyeretso ndi ulemu. Kosati mchisiliro chachilakolako chonyansa, monganso amitundu osadziwa Mulungu. Asapitilireko munthu nanyenge m,bale wake m'menemo chifukwa Ambuye ndiye wobwezera wa izi zonse, monganso tinakuuziranitu, ndipo tinachitapo umboni. Pakuti Mulungu sanaitana ife titsate chidetso, koma chiyeretso.

(6) OYERA MTIMA

5. Osadandaula

Afilipi 2:14-15 Chitani zonse kopanda madandaulo ndi makani, kuti mukakhale osalakwa ndi oona, ana a Mulungu opanda chirema pakati pa m'badwo okhotakhota ndi opotoka, mwa iwo amene muonekera monga mauniko mdziko lapansi.

6. Yang'anirani bwino malingaliro anu.

- Afilipi 4:8 Chotsalira abale zinthu zirizonse zoon, zirizonse zolemekezecka, zirizonse zolungama, zirizonse zoyer, zirizonse zokongola, zirizonse zimveka zokoma: ngati kuli chokoma mtima china, kapena chitamando china, ziringalireni izi.

- Zomwe Baibulo limaphunzitsa pa zazolimbana za m'moyo ndikuti zimapezekwa m'malingaliro athu osati m'madera ena kunja kwa thupi lathu komwe Satana amakhala ayi:
 - 2 Akolinto 10:3-5 Pakuti pakuyenda yenda m'thupi sitichita nkhondo monga mwa thupi. Pakuti zida zankhondo yathu siziri zathupi koma zamphamvu mwa Mulungu zakupasula malinga, ndikugwetsa matsutsano, ndichokwezekwa chonse chimene chidzikweza pokana chidziwitso cha Mulungu ndikugonjetsa ganizo lonse kumvera kwa Khristu.
- Choncho nkhondo iri m'malingaliro. Kuti tikhale oyera mumtima mwathu, tiyenera kumanga ukapolo lingaliro lirilonse ndikuliperekwa kuchidziwitso cha mau a Mulungu ndi kulipangitsa kugonjera Khristu. Imeneyi ndiyo nkhondo ya pazolimbana zathu.

□ Dalitso:

1. Oyera mtima adzaona Mulungu.

- Masalimo 24:3-4 Adzakwera n'ndani m'phiri la Yehova? Nadzaima m'malo ake oyera n'ndani? Woyera m'manja, ndi oona m'mtima, ndiye; Iye amene sanakweza moyo wake kutsata zachabe.
- Mkulu wina otchedwa Matthew Henry adati: Chiyero ndi chisangalalo zafotokozedwa mwathunthu pamodzi. Mtima uyenera kuyeretsedwa mwachikhulupiliro, ndikusungikira Mulungu yekha. Mundilengere mtima oyera oterewu Mulungu. Palibenso ena koma okhawo oyera mtima ndiwo adzaone Mulungu, ndipo odetsedwa onse kumwamba sikukakhala chisangalalo chawo. Monga momwe Mulungu sangapilire kuwonererera chidetso chawo, momwemonso odetsedwa sangaone ungwiro wake.

(6) OYERA MTIMA

- Uthengawu ukufotokoza bwino za lonjezano lakuona Mulungu kuti silikuimilira nthawi yamtsogolo yokha ayi komanso kuti ngati tikhala oyera mtima timaona Mulungu muchirichonse ngakhale m'moyo wathu watsiku ndi tsiku.
 - Kumasulira kwina kwa mau a bukhu la Mateyu 5:8 kuli motere: (Muli odala pamene malingaliro anu ndi mtima wanu ukhala wangwiyo - Pamene po mudzaona Mulungu m'moyo wanu watsiku ndi tsiku.)

2. Mudzakhala cholandilira cha ubwino wa Mulungu:

- Masalimo 73:1 Inedi Mulungu achitira Israeli zabwino, iwo amtima wa mbee.

(7) AKUCHITA MTENDERE

- Mateyu 5:9 Odala ali akuchita mtendere, chifukwa adzatchedwa ana a Mulungu.



- Matthew Henry adati:
Ana a Mulungu amasunga mtendere kuti usasokonezeke, ndikuubwezeretsa pamene wasokonezeka. Akuchita mtendere akadalitsika, tsoka kwa akuusokoneza!

(7) AKUCHITA MTENDERE

- Mateyu 5:9 Ndinu odala pamene muonetsera anthu momwe angayanjanitsidwire ndi anzawo m'malo molimbana ndi kupikisana. Apandi pamene mungazindikilire umunthu wanu weni weni komanso malo anu mubanja la Mulungu.

Abraham ochita mtendere: Pamene oweta ziweto a Abram ndi Loti adakandana polimbirana malo odyetserapo ziweto zaho, pokana kuti kulimbanako kungapitilire Abram auza Loti kuti asankhe moyambilira dera lomwe angalikonde kudyetserako ziweto zake. Loti adasankha dera lamsipu wabwino ndi lamadzi la Yolodani ku mmawa, pomwe Abram adapita kumadzulo ku dera lotchedwa Hebron.

(Gen 13).




□ Isake ochita
mtendere:

➤ Gen 26:19-22

Ndipo anyamata a
Isake anakumba
mchigwa napeza
kumeneko
chitsime cha
madzi otumphuka.
Ndipo abusa a
Gerari anakangana
ndi abusa a Isake
kuti madzi ndi
athu; ndipo atcha
chitsimecho
Eseke chifukwa
anakangana naye.



Ndipo anakumbanso
chitsime china,
ndipo anakangana
nachonso, natcha
dzina lake Sitina.
Ndipo anachoka
kumeneko nakumba
chitsime china,
koma sanakangana
nacho chimenecho,
ndipo anatcha dzina
lake Rehoboti,
ndipo anati
chifukwa kuti
tsopano Yehova
anatipatsa ife malo
ndipo tidzabalana
mdziko muno.



(7) OCHITA MTENDERE

- Munkhani yokhudzana zamakangano, Paulo akufotokoza motere:
 - Aroma 14:17-19 Pakuti ufumu wa Mulungu sukhala chakudya ndi chakumwa, koma chilungamo, ndi mtendere, ndi mtendere, ndi chimwemwe mwa Mzimu oyera. Pakuti iye amene atumikira Khristu mu izi, akondweretsa Mulungu nabvomerezeka ndi anthu onse. Chifukwa chake tilondole zinthu zamtendere ndi zinthu zakulimbikitsana wina ndi mzake.

(7) OCHITA MTENDERE

- Pali akhristu ena omwe amataya nthawi yawo yambiri kulimbana ndi akhristu anzawo koposa momwe amalimbanirana ndi Satana. Yesu adati:
 - "Ufumu uliwonse wogawanika pa wokha sukhala kupa suka, ndi mudzi uliwonse kapena banja logawanika pa lokha silidzakhala."
(Mateyu 12:25)
 - "Mwa ichi adzazindikira onse kuti muli ophunzira anga, ngati muli nacho chikondano wina ndi mzake.
(Yohane 13:35)



(7) OCHITA MTENDERE


- Choncho monga ochita mtendere tifunitsitse umodzi koma mosanyengerera ndondomeko za chikhrisu.
 - Yohane 17:20-23 "Koma sindipempherera iwo okha, komanso iwo akukhulupilira ine chifukwa cha mau awo; kuti onse akakhale amodzi monga inu Atate mwa ine, ndi ine mwa inu, kuti iwonso akakhale mwa ife: Kuti dziko lapansi likakhulupilire kuti inu munandituma ine. Ndipo ulemerero umene mwandipatsa ine ndapatsa iwo; kuti akhale amodzi monga ife tili amodzi; ine mwa iwo ndi inu mwa ine, kuti akhale angwiro mwa m'modzi; kuti dziko lapansi lizindikire kuti inu munandituma ine, nimuwakonda iwo monga momwe munakonda ine."

(7) OCHITA MTENDERE

- Ochita mtendere tiyesetse kusaononga ntchito ya Mulungu kapena mpingo omwenso ndi thupi la Khristu. Pamfundo imeneyi tiyeni tione nkhani ya Mlaliki wina wa mpingo wa Assemblies of God wa dziko la South Africa, komanso wa fuko la chi Zulu otchedwa Nicholas Bhengu.
 - Ali mkhristu wachichepere komanso asadayambe utumiki wake wake, adakasonkhanako kumpingo wina omwe m'busa wake adali Mzimayi wamishoni. Bhengu yu sadasangalatsidwe naye m'busayo ndipo adazindikiranso kuti ambiri ena sadakondwere naye. Choncho adaganiza kuti sabata lotsatira lake akakapitanso akaimilire kutsogolo kukamusokoneza M'busayo ndikuuza anthu onse kuti atsatire iyeyo ndipo akayambitse mpingo wina omwe m'busa wake akakhale iyeyo.

(7) OCHITA MTENDERE

- Loweruka litakwana kuti m'mawa wake akapange chisokonezocco, usiku adalota maloto. Bhengu m'maloto ake adalota miyendo ikulu ikulu iwiri yitali kwambiri kufikira mpaka mumitambo. Mutu wamwini miyendowo udabisika m'mitambo, ndipo iye adayamba kutema miyendo ija ndi nkhwangwa komanso zikwanje mpaka magazi adatuluka ndiponso mafupa adaonekera pamtunda. Ndipo mwadzidzidzi mitambo ija idatseguka ndipo nkhope idaonekera.



(7) OCHITA MTENDERE

- Ndipo ataonetsetsa nkhopeyo adazindikira kuti inali ya Yesu Khristu. Choncho thupi lomwe iye ankatema linali la Khristu. Atadzidzimuka m'mawa wake adangolongedza tikatundu take mukachikwama nkuthawira dera lina osatsazika aliyense. Maloto adamulepheretsa kuwononga thupi la Khristu lomwe ndi mpingo.



Dalitso:

1. Adzatchedwa ana a Mulungu.

- Tidzakhala ndi mwai komanso ulemu otchedwa nawo ana a Mulungu.

2. Tidzatuta "zokolola za chilungamo":

- Yakobo 3:18 Ndipo chipatso cha chilungamo, chifesedwa mumtendere kwa iwo akuchita mtendere.

3. Ndipo iwo amene afunitsitsa umodzi muntchito ya Mulungu ndi okhulupilira anzawo, **Mulungu walonjeza moyo wosatha:**

- Masalimo 133:1,4 Onani nkokoma ndikokondweretsa ndithu kuti abale akhale pamodzi! Pakuti pamenepo Yehova analamulira dalitsolo, ndilo moyo wonka tuyaya.

(8) AKUZUNZIKA

- Mateyu 5:10 Odala ali akuzunzika chifukwa cha chilungamo; chifukwa uli wao ufumu wakumwamba. Yesu akupitiliza kufotokoza motere:
 - Mateyu 5:11-12 "Odala muli inu m'mene adzaznyazitsa inu, nadzazunza inu, nadzakunenerani monama zoipa zirizonse chifukwa cha ine. Sekerani, sangalalani: Chifukwa mphotho yanu ndiyaikulu m'mwamba; pakuti potero anazunza aneneri anakhalawo musanabwere inu."

(8) AKUZUNZIKA

□ Yesu adatiuza kuyembekezera mazunzo:

- Yohane 15:18-21 "Ngati dziko lapansi lida inu, mudziwa kuti lidada ine lisanayambe kuda inu. Mukadakhala adziko lapansi,dziko lapansi likadakonda zache za lokha; koma popeza simuli adziko lapansi, koma ine ndinakusankhani inu mwa dziko lapansi, chifukwa cha ichi likudani inu.Kumbukirani mau amene ine ndinanena kwa inu,kapolo sali wa mkulu ndi mbuye wache. Ngati anandilondalonda ine, inunso;ngati anasunga mawu anga,adzasunga anunso.Koma izi zonse adzakuchitirani chifukwa cha dzina langa, chifukwa sadiwa ondituma ine."

(8) AKUZUNZIKA

- Mayankhidwe athu pa zamazunzo ayenera kukhala motere:
 1. Sitiyenera kuzizwa mazunzo akatigwera.
 - 1 Petro 4:12 Okondedwa, musazizwe ndi mayesedwe amoto adakugwerani inu akhale chakukuyesani, ngati chinthu cha chilendo chachitika nanu.


(8) AKUZUNZIKA

□ 2. Tikonde komanso kupempherera iwo akutizunza.

➤ Mateyu 5:44 ... koma ine ndinena kwa inu, kondanani nao adani anu, kupempherera iwo akuzunza inu.

3. Madalitso ndi kukoma mtima.

➤ 1 Akolinto 4:12-13 ... Ndipo tigwiritsa ntchito, ndi kuchita ndi manja athu a ife tokha; polalatidwa tidalitsa; pozunzidwa, tipilira; takhala monga zonyansa za dziko lapansi, litsiro la zinthu zonse, kufikira tsopano.





- Atanenezedwa
monama
ndikupatsidwa
chilango cha imfa
ya pamtanda, Yesu
adapempherera
akumuzunzawo
motere:
 - "Atate,
muwakhululukir
e iwo, pakuti
sadziwa
chimene
achita."
(Luka 23:34)

(8) OZUNZIKA

□ Mu zaka za 36 AD Sitifano adakhala m'khristu oyambirira kuphedwa, tamvetserani zomwe adanena kwa akumuzunzawo:

➤ Machitidwe 7:59-60
Ndipo anamponya miyala Stefano, alikuyitana Ambuye Yesu, ndikunena, Ambuye Yesu, landilani mzimu wanga. Ndipo m'mene anagwada pansi, anafula ndi mawu akulu; "Ambuye, musawaikire iwo chimo iri." Ndipo m'mene adanena ichi, anagona tulo.





4. Kuleza mtima ndi kupilira

➤ Yakobo 5:10-11 Abale, chitsanzo cha kumva zowawa ndi kuleza mtima, aneneri amene analankhula mdzina la Ambuye. Tawonani tiwayesa odala opilirawo; mudamva za chipiliro cha Yobu, ndipo mwaona chitsiliziro cha Ambuye, kuti Ambuye ali wodzala ndichikondi, ndi wachifundo.

(8) AKUZUNZIKA

5. Chipiliro

- 1 Akolinto 4:12... pozunzidwa, tipilira...
- Ahebri 10:32,35-36 Koma tadzikumbutsani masiku akale, m'menemo mutaunikidwa mudapilira chitsutsano cha chikulu cha zowawa; potero musataye kulimbika kwanu, kumene kuli nacho chobwenzera mphoto chachikulu. Pakuti chikusowani chipiliro, kuti pamene mwachita chifuniro cha Mulungu,mukalandire lonjezano.

6. Osachita manyazi ndi dzina la Yesu.

- 1 Petro 4:16 Koma akamva zowawa ngati M'khristu asachite manyazi, koma alemekaze Mulungu m'dzina iri.

(8) AKUZUNZIKA

7. Chimwemwe (chifukwa cha dalitso, mphotho pamodzi ndi ulemu waukulu pakuzindikiridwa ndi Khristu.)

- Mateyu 5: 12 Sekerani, sangalalani; chifukwa mphoto yanu ndi yayikulu m'mwamba: pakuti potero anazunza aneneri anakhalawo musanabadwe inu.
- Yakobo 1:2-3 Muchiyese chimwemwe abale anga,m'mene mukugwa m'mayesero amitundu mitundu; pozindikira kuti chiyesedwe chachikhulupiliro chanu chichita chipiliro.



(8) AKUZUNZIKA

- Kawiri kawiri timanena kuti tikhaza kutamanda Mulungu osati chifukwa cha mavuto, koma posatengera mavutowo.
- Komabe mu buku la machitidwe tikuona chitsanzo chotamanda Mulungu osati posatengera mavuto pokha, koma chifukwa cha mavuto. Gamaliele ataumiliza Sanhedrin kuti asazunze atumwi. Taonani zomwe zidachitika ndi mayankhidwe ake:
 - Machitidwe 5:40-41 Ndipo anabvomerezana ndi iye; ndipo m'mene adaitana atumwi, anawakwapula nawalamulira asalankhule kutchula dzina la Yesu, ndipo anawamasula. Pamene po ndipo anapita kuchokera kubwalo la akulu nakondwera kuti anayesedwa oyera kunyozedwa chifukwa cha dzinalo.

□ Akuzunzika ali odala:

- Yakobo 5:10-11 Tengani abale, chitsanzo chakumva zowawa ndi kuleza mtima, aneneri amene analankhula mdzina la Ambuye. Tawonani tiwayesera odala opirirawo; mudamva zachipiliri cha Yobu, ndipo mwaona chitsiliziro cha Ambuye, kuti ambuye ali wodzala chikondi, ndi wachifundo. 1 Petulo 3:13-14 Ndipo ndani iye amene adzakuchitirani choipa, ngati muchita nacho changu chinthu chabwino? Komatu ngati mukumva zowawa chifukwa cha chilungamo, odala inu; ndipo musaope pakuwaopa iwo, kapena musadere nkhawa;.
- 1 Petro 4:13-14 Koma popeza mulawana ndi Khristu zowawa zake, kondwerani kuti; kutinso pavumbulutso la ulemerero wake mukakondwere kwakukulu kulu. Mukatonzedwa padzina la Khristu, odala inu; pakuti Mzimu wa ulemerero ndi Mzimu wa Mulungu apuma pa inu.

Dalitso:

1. Mphotho yanu ndi yaikulu kumwamba.

- Luka 6:22-23 "Odala inu, pamene anthu adzada inu, nadzapatula inu, nadzatonza inu, nadzalitaya dzina lanu monga loipa, chifukwa chamwana wa munthu. Kondwerani tsiku lomweli, tumphani ndi chimwemwe; pakuti onani, mphoto zanu nzazikulu kumwamba; pakuti makolo awo anawachitira aneneri zonga zomwezo."
- Ahebri 10:33-35 Pena pochitidwa chinthu chooneredwa mwa matonzo ndi zisautso; penanso polowana nao iwo ochitidwa zotere. Pakuti munamva chifundo ndi iwo amtendere, ndiponso mudalola mokondwera kulandidwa kwa chuma chanu, pozindikira kuti muli nacho nokha chuma choposa chikhali. Potero musataye kulimbika kwanu, kumene kuli nacho chobwezera mphoto chachikulu.

(8) AKUZUNZIKA

2. Chikhulupiliro chathu chimazindikirika kuti ndi changwiro.

- 1 Petro 1:6-7 M'menemo mukondwera kungakhale tsopano kanthawi,
ngati kuyenera
mukachitidwe chisoni
ndimayesero amitundu
mitundu kuti mayesedwe
achikhulupiliro chanu ndiwo
amtengo wake woposa
wagolidi amene angotaika
ngakhale ayesedwa ndi moto,
akapezedwe ochitila
chiyamiko ndi ulemerero
ndi ulemu pa vumbulutso
la Yesu khristu.



3. Khalidwe lathu limakonzedwa

- Yakobo 1:2-4 Muchiyese chimwemwe chokha, abale anga, m'mene mukugwa m'mayesero amitundu mitundu; pozindikira kuti chiyesedwe cha chikhulupiliro chanu chichita chipiliro. Koma chipiliro chikhale nayo ntchito yache yangwiyo, kuti mukhale angwiyo ndi opanda chirema, osasowa kanthu konse.
- Cholinga cha chikhristu sindiko kuti tipewe mazunzo, koma kuti tikhale ndi chikhaliwe choyenera kuti pamene takumana ndimazunzowo tisagwedezeke. Mazunzowa sapangitsa moyo kukhala ofewa koma kuulimbitsa.
- Sibwino kumapemphera kuti ndisakumane ndi mazunzo koma kuti ndikakumana ndi mazunzo ndiimebe osafooka.

(8) AKUZUNZIKA

4. Iwo akupilira chikhaliire sadzalowa nawo muchisautso:

- Chivumbulutso 3:10 Popeza unasunga mau achipiliro changa, Inenso ndidzakusunga kukulanditsa mu nthawi yakuyesedwa, ikudza padziko lonse lapansi, kudzayesa iwo akukhala padziko.

5. Kolona wa moyo walonjezedwera iwo akupilira mazunzo:

- Yakobo 1:12 Wodala munthu wakupilira poyesedwa; pakuti pamene wavomerezeka, adzalandila kolona wamoyo, amene Ambuye adalonjezera iwo akunkonda iye.

Audio (WMA) and text (PDF) ministry

FREE MINISTRY DOWNLOADS



OLEMBA: Gavin Paynter

OMASULIRA: Abel Kachala

- For more ministry downloads visit:
<http://www.agfbenoni.co.za/ministry-archives.aspx>
- For more ministry downloads by Gavin Paynter visit:
<http://www.agfbenoni.co.za/ministry-archives.aspx?speaker=Gavin%20Paynter>

For other related ministry:

- The Beatitudes Part 1
 - <http://www.agfbenoni.co.za/ministry-archives.aspx?mId=814>

COPYRIGHT INFORMATION

- Unless otherwise stated, Scripture quotations are taken from THE BIBLE IN CHICHEWA [Revised Nyanja (Union) Version] published as BUKU LOPATULIKA NDILO MAU A MULUNGU Published by The Bible Society of Malawi Bible House, Victoria Avenue. P.O. Box 740 BLANTYRE, MALAWI.